



SLUŽBENI GLASNIK

OPĆINE DOBOJ JUG

Izdavač: Općinsko vijeće Doboj Jug Za izdavača: Sekretar Općinskog vijeća Štampa: Grafik-komerc Jelah - Tešanj	Godina XXVI Broj 01 Doboj Jug, 12. 01. 2026.	Godišnja pretplata uplaćuje se na žiro račun Općine Doboj Jug broj: 3385502200539857 UniCredit Bank Filijala Tešanj broj
--	---	---

Na osnovu člana 42. Zakona o prostornom uređenju i građenju („Službene novine ZE-DO kantona“, br. 17/23) i člana 23. Statuta Općine Doboj Jug („Službeni glasnik Općine Doboj Jug“, br. 03/08, 01/12 i 02/13), Općinsko vijeće općine Doboj Jug, na svojoj trinaestoj redovnoj sjednici IX saziva održanoj dana 10.03.2026.godine donosi

ODLUKU

o pristupanju izradi izmjene dijela Regulacionog plana „Poslovne zone Karuše“ u općini Doboj Jug

I OSNOVNE ODREDBE

Član 1.

Na osnovu ove Odluke pristupiće se izradi izmjene dijela Regulacionog plana „Poslovne zone Karuše“ u K.O. Matuzići u općini Doboj Jug (u daljem tekstu: Plan), čiji rok važenja je do 17.09.2032. godine („Sl. glasnik Općine Doboj Jug“, br. 6/22).

Član 2.

Izmjena dijela Plana koja se radi na osnovu zahtjeva JKP „VIS“ Doboj Jug, obuhvatiće građevinsku parcelu po Planu označenu kao : 137 koja je sastavljena iz dijelova parcela označenih kao k.č. broj 275/3, 275/19 i 279/5 u K.O. Matuzići. Navedene parcele su prikazane na karti koja je u prilogu ove Odluke.

Član 3.

Nosilac pripreme izmjene dijela Plana je Služba za urbanizam, katastar i geodetske poslove. Nosioca izrade izmjene dijela Plana, izabraće investitor JKP „VIS“ Doboj Jug koji će i finansirati izmjenu dijela Plana.

Član 4.

Nosilac pripreme i nosilac izrade izmjene dijela Plana, tokom izrade izmjene pridržavaće se sledećih smjernica: preispitati postojeća planska rješenja, te otkloniti eventualne propuste i manjkavosti do kojih je došlo prilikom izrade i usvajanja prvobitnog Plana i preispitati i ocijeniti osnovanost zahtjeva za izmjenu Plana, te prihvatljive prijedloge ugraditi u planska rješenja.

Član 5.

Izmjena dijela Plan iz člana 1. ove Odluke treba da sadrži tekstualni i grafički dio sa sadržajima propisanim Zakonom o prostornom uređenju i građenju („Sl. Novine ZE-DO Kantona“ broj: 17/23) i odredbama članova 62. do 68. Uredbe o jedinstvenoj metodologiji za izradu dokumenata prostornog uređenja („Sl. Novine FBiH“, br. 63/04).

Član 6.

Nosilac pripreme izmjene dijela Plana dužan je u postupku izrade izmjene, omogućiti učešće zainteresovanim licima radi dostave prijedloga i sugestija za određena planska rješenja, pribaviti mišljenje na prijedloge planskih rješenja od zakonom određenih organa i organizacija, organizovati stručnu raspravu o prednacrtu izmjene dijela Plana, organizovati izlaganje nacrtu izmjene dijela Plana na javni uvid u skladu sa zakonom, organizovati stručnu raspravu o stavovima nosioca izrade izmjene dijela Plana

o primjedbama, prijedlozima i mišljenjima koji su dostavljeni tokom javnog uvida, te utvrditi prijedlog izmjene dijela Plana i isti dostaviti na razmatranje i usvajanje Općinskom vijeću . Nacrt izmjene dijela Plana izložiće se na javni uvid, u trajanju od najmanje 30 dana.

Član 7.

Sredstva za finansiranje izrade izmjene dijela Plana obezbijedit će Investitor JKP „VIS“ Doboj Jug po čijem se zahtjevu radi izmjena.

U skladu sa članom 39. Zakona o prostornom uređenju i građenju (Sl. novine Ze-Do Kantona br: 17/23) Služba za urbanizam, katastar i geodetske poslove će iznos koji Investitor JKP „VIS“ Doboj Jug bude platio za izradu izmjene Plana Nosiocu izrade Plana uračunati kod utvrđivanja naknade za uređenje građevinskog zemljišta i rente kod izdavanja Lokacijske informacije i odobrenja za građenje za objekte u vlasništvu investitora koji su obuhvaćeni ovom izmjenom plana i to u iznosu od 50 % , a najviše 500 KM u skladu sa zaključkom OV.

II PRELAZNE I ZAVRŠNE ODREDBE

Član 8.

Ova odluka stupa na snagu danom donošenja i ista će biti objavljena u „Službenom glasniku Općine Doboj Jug“.

Broj: 01-02-252-11/26
Dana, 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 363.stav 3.tačka 5. Zakona o stvarnim pravima („Službene novine Federacije Bosne i Hercegovine“, broj 66/13 i 100/13), člana 13 tačka c. i člana 28.tačka b. Odluke o uslovima i načinu pribavljanja i raspolaganja nekretninama u vlasništvu općine Doboj Jug („Službeni glasnik Općine Doboj Jug“ broj:02/24), te člana 23.Statuta općine Doboj Jug („Službeni glasnik Općine Doboj Jug“ br.03/08,01/12 i 02/13), Općinsko vijeće Doboj Jug na svojoj trinaestoj sjednici IX saziva održanoj dana 10.03.2026.godine donosi

ODLUKU

o načinu i uslovima prodaje putem neposredne pogodbe zemljišta, koje se prema Prostornom planu općine Doboj Jug za period 2005.do 2025.godine nalazi većim dijelom u okviru Zone zaštitnog pojasa Autoceste

Član 1.

Pod uslovima i na način regulisan ovom Odlukom provodi se prodaja putem neposredne pogodbe zemljišta u vlasništvu Općine i to:

- k.č. broj 1527/24 zvana „Rijeka Usora“ ostalo neplodno zemljište površine 1116 m², upisana u Posjedovni list broj 91 u K.O. Matuzići, te ZK uložak broj 125, na ime Općine Doboj Jug kao posjednika i vlasnika sa 1/1 dijela, te
- k.č. broj 1527/25 zvana „Rijeka Usora“ ostalo neplodno zemljište površine 31 m², upisana u Posjedovni list broj 91 u K.O. Matuzići, te ZK uložak broj 125 na ime Općine Doboj Jug kao posjednika i vlasnika sa 1/1 dijela.

Član 2.

Početna prodajna cijena nekretnina iz člana 1.ove Odluke iznosi za k.č. broj 1527/24 iznosi 17,60 KM /m², što ukupno iznosi za navedenu parcelu 19.641,60 KM, a za k.č. broj 1527/25 iznosi 22,90 KM / m², što ukupno iznosi 709,90 KM procjeni stalnog sudskog vještaka broj: JH-P-027/25 od 04.07.2025.godine .

Član 3.

Prodajnu cijenu navedenog zemljišta učesnik u pregovorima koji postigne najveću cijenu (najpovoljniji ponuđač) sa kojim će se zaključiti Ugovor, obavezan je platiti u jednostrukom iznosu u roku od 15 dana od dana potpisivanja Ugovora na račun Prodavca, općine Doboj Jug.

Član 4.

Postupak pregovaranja za prodaju putem neposredne pogodbe nakon usvajanja ove Odluke od strane Općinskog vijeća provodiće općinska Komisija za raspolaganje i sticanje nekretnina, koja je posebnom Odlukom imenovana od Općinskog vijeća.

Član 5.

Ovlašćuje se Načelnik općine Doboj Jug da po okončanju postupka pregovaranja i donošenja Odluke o izboru najpovoljnijih ponuđača sa najpovoljnijim ponuđačem zaključi Ugovor o kupoprodaji nekretnina.

Član 6.

Troškove izrade notarske isprave, troškove provođenja promjena u katastarskom operatu Doboj Jug snose kupci.

Član 7.

Ova Odluka stupa na snagu osmog dana od dana objavljivanja u Službenom glasniku Općine Doboj Jug.

Broj: 01-02-252-12/26
Dana: 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 9. i 3. Pravilnika o postupku javnog konkursa za raspolaganje nekretnina u vlasništvu Federacije Bosne i Hercegovine, Kantona, Općina i Gradova ("Službene novine Federacije Bosne i Hercegovine" broj 17/14), člana 9. Odluke o uslovima i načinu pribavljanja i raspolaganja nekretninama u vlasništvu općine Doboj Jug ("Službeni glasnik Općine Doboj Jug" broj:02/24), te člana 23. Statuta Općine Doboj Jug ("Službeni glasnik Općine Doboj Jug", broj 03/08), Općinsko vijeće Doboj Jug na svojoj trinaestoj redovnoj sjednici IX saziva održanoj 10.03. 2026.godine donosi

R J E Š E N J E**o imenovanju Komisije za raspolaganje i sticanje nekretnina****Član 1.**

Imenuje se Komisija za raspolaganje i sticanje nekretnina u vlasništvo Općine u sljedećem sastavu:

1. Mujić Melisa, predsjednik komisije
2. Hrvić Edin, član komisije,
3. Aličić Sanela, član komisije, te zamjenski članovi

1. Hadžić Edin (zamjenik predsjednika) i
2. Muratović Haris (zamjenik člana), a koji mogu biti angažovani samo u slučaju da neko od stalnih članova ne bude u mogućnosti prisustvovati zakazanoj licitaciji ili u slučaju sukoba interesa.

Komisija se imenuje na period od 2 (dvije) godine.

Član 2.

Zadatak Komisije iz člana 1.ovog rješenja, da u mandatnom periodu postupa u svemu prema Odluci o uslovima i načinu pribavljanja i raspolaganja nekretninama u vlasništvu općine Doboj Jug. Radom Komisije rukovodi Predsjednik, o radu se vodi Zapisnik u koji se unosi cijeli tok postupka i sve ponude stavljene od pojedinih učesnika, kao i stavljeni prigovori. Komisija radi u sastavu Predsjednik plus dva člana.

Član 3.

Predsjedniku i članovima Komisije za njihov rad pripada naknada, a koja će biti regulisana posebnom Odlukom Općinskog načelnika.

Član 4.

Za realizaciju ovog Rješenja zadužuje se Općinski Načelnik i nadležne Službe.

Član 5.

Ovo Rješenje stupa na snagu danom donošenja, a biće objavljeno u Službenom glasniku općine Doboj Jug.

Broj: 01-02-252-13 /26
Dana: 10.03. 2026.god.

Predsjedavajući Općinskog vijeća
prof.dr.sc. Hasan Škiljo

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 23. i člana 116. Statuta Općine Doboj Jug („Službeni glasnik Općine Doboj Jug“, broj: 3/08, 01/12 i 02/13) i člana 79. Poslovnika Općinskog vijeća Doboj Jug („Službeni glasnik Općine Doboj Jug“, broj: 04/08, 01/13, 02/20 i 03/21), Općinsko vijeće Doboj Jug na svojoj trinaestoj sjednici IX saziva održanoj dana 10.03.2026.godine, donosi:

ZAKLJUČAK

o davanju saglasnosti na Pravilnik o izmjenama i dopunama Pravilnika o unutrašnjoj organizaciji općinskog organa uprave Općine Doboj

Član 1.

Daje se saglasnost na Pravilnik o izmjenama i dopunama Pravilnika o unutrašnjoj organizaciji općinskog organa uprave Općine Doboj Jug broj: 02-30-1375-5/25 od 16.01.2026.godine.

Član 2.

Zaključak stupa na snagu danom donošenja i ima se objaviti u Službenom glasniku Općine Doboj Jug.

Broj: 01-02-252-14/26
Dana: 10.03.2026.godine

Predsjedavajući Općinskog vijeća
prof.dr.sc. Hasan Škiljo

PRAVILNIK O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI OPĆINSKOG ORGANA UPRAVE OPĆINE DOBOJ JUG

Doboj Jug, Januar 2026.godine

Na osnovu člana 51. i člana 52. stav 1. tačka 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 6. stavak 2. Zakona o državnoj službi u Federaciji BiH („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), a u vezi sa članom 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12), člana 7. Zakona o namještenicima u organima državne službe u Federaciji BiH („Službene novine FBiH“ br.49/05 i 103/21, odredaba Uredbe o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa ("Službene novine Federacije BiH", br. 35/04, 3/06, 19/12, 8/14, 9/16 i 23/17), odredaba Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa službe koje obavljaju namještenici ("Službene novine Federacije BiH", br. 69/05, 29/06 i 65/20), te člana 37. Statuta Općine Doboj Jug ("Službeni glasnik općine Doboj Jug broj: 03/08, 01/12 i 02/13), Općinski načelnik donosi:

PRAVILNIK O IZMJENAMA I DOPUNAMA PRAVILNIKA O UNUTRAŠNJOJ ORGANIZACIJI OPĆINSKOG ORGANA UPRAVE OPĆINE DOBOJ JUG

Član 1.

U Pravilniku o unutrašnjoj organizaciji općinskog organa uprave Općine Doboj Jug („Službeni glasnik općine Doboj Jug“, broj: 02/23, 04/24 i 02/25), u dijelu 2. u tački 2.1. STRUČNA SLUŽBA ZA POSLOVE OPĆINSKOG VIJEĆA I OPĆINSKOG NAČELNIKA u tabelarnom dijelu sistematizacije radnih mjesta i uslova za obavljanje poslova i zadataka:

- u koloni 2. STRUČNI SAVJETNIK ZA JAVNE NABAVKE, mijenjaju se uslovi za vršenje poslova i treba da stoji:

„VSS VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 240 ECTS bodova - pravni fakultet, tri (3) godine radnog staža u struci nakon sticanja VSS, položen stručni ispit, poznavanje rada na računaru“.

- u koloni 3.STRUČNI SARADNIK ZA POSLOVE UPRAVLJANJA LJUDSKIM RESURSIMA, u dijelu grupa poslova dodaju se riječi „Upravno rješavanje“;
- u koloni 12. VIŠI SAMOSTALNI REFERENT ZA POSLOVE JAVNIH NABAVKI, u dijelu grupa poslova brišu se riječi "računovodstveno-materijalni".

Član 2.

U članu 9. stav 3. mijenja se i glasi:

„3. STRUČNI SARADNIK ZA POSLOVE UPRAVLJANJA LJUDSKIM RESURSIMA

Obavlja slijedeće poslove:

- učestvuje u provođenju planova i programa za obučavanje i osposobljavanje uposlenih,
- prati propise iz oblasti radnih odnosa koji se odnose na ostvarivanje prava, obaveza i odgovornosti zaposlenih,
- pruža stručnu pomoć pri ocjenjivanju službenika i analizira ocjenjivanje službenika,
- prati unapređivanje i predlaže modalitete materijalne i nematerijalne motivacije zaposlenih,
- priprema uvjerenja iz službene evidencije o činjenicama koje se odnose na radno pravni status uposlenika u Općini,
- u cilju pružanja određenih podataka od značaja za unapređivanje organizacije i stručnog osposobljavanja kadrova uz saglasnost neposrednog rukovodioca vrši anketiranje zaposlenih,
- izrađuje informativne materijale i druge publikacije koji se odnose na prava, obaveze i odgovornosti zaposlenih i organizaciju administrativne službe i prati koliko su dostupni zaposlenima,
- daje odgovarajuće prijedloge u cilju poboljšanja uslova rada zaposlenih i obezbjeđivanja higijensko-tehničke zaštite zaposlenih,
- učestvuje u pripremi prijedloga akata kojima se uređuje unutrašnja organizacija i sistematizacija radnih mjesta u administrativnoj službi,
- brine se za primjenu i reviziju tih istih akata,
- radi obezbjeđivanja potrebnih kadrova preporučuje potrebe stipendiranja, prekvalifikacije i dokvalifikacije zaposlenih,
- preporučuje nabavku stručne literature i vodi evidenciju o njenom kretanju,
- radi zajedno sa pomoćnicima načelnika na projektima i realizaciji Strategije razvoja, provodi procedure zapošljavanja,
- vrši analizu podataka iz baze, prikuplja, sređuje i obrađuje podatke i uspostavlja odgovarajuće datoteke o uposlenim u Općini,
- učestvuje u postupcima pripreme jednostavnih rješenja o pravima i dužnostima uposlenika u Općini,
- vodi evidencije o zaposlenima, vrši prijave i odjave kod nadležnih institucija,
- učestvuje u vođenju postupka i u pripremi odgovora po zahtjevima građana za pristup informacijama shodno Zakonu o slobodi pristupa informacijama,
- obavlja poslove službenika za zaštitu ličnih podataka,
- rješava jednostavne upravne stvari (skraćeni postupak),
- vrši i druge poslove koje mu odredi neposredni rukovodilac.“

Član 3.

U članu 9. u stavu 12. „VIŠI SAMOSTALNI REFERENT ZA POSLOVE JAVNIH NABAVKI“, alineje 1,5 i 8 brišu se.

Član 4.

U članu 10. u tabelarnom dijelu sistematizacije radnih mjesta i uslova za obavljanje poslova i zadataka u koloni 4. STRUČNI SAVJETNIK ZA SOCIJALNU ZAŠTITU, u dijelu grupa poslova brišu se riječi "Upravno rješavanje, normativno-pravni i".

Član 5.

U članu 11. stav 15. mijenja se i glasi

“15. STRUČNI SARADNIK ZA CIVILNU ZAŠTITU

Obavlja slijedeće poslove:

- izrađuje informacije i druge materijale iz djelokruga rada i dostavlja ih pomoćniku načelnika na razmatranje,
- prati izvršavanje zakona i drugih propisa i općih akata iz oblasti zaštite i spašavanja u MZ i drugim pravnim licima,

- učestvuje u izradi procjene ugroženosti plana zaštite i spašavanja općine iz svog djelokruga rada,
- koordinira poslove i zadatke iz oblasti obuke i organizacije JCZ, štabova, povjerenika i službi CZ sa planovima obuke sa Kantonalnom i Federalnom upravom CZ,
- organizuje obuku struktura CZ,
- učestvuje u izradi elaborata za vježbe CZ i učestvuje u tim vježbama,
- sprovodi program osnovne i dopunske obuke građana,
- izrađuje podsjetnike, analize, izvještaje i informacije o pitanjima iz svoje nadležnosti,
- učestvuje u planiranju i razradi mjera zaštite i spašavanja u skladu sa Zakonom o zaštiti i spašavanju ljudi i materijalnih dobara i podzakonskih propisa koji se odnose na mjere zaštite i spašavanja ljudi i materijalnih dobara i to: sklanjanje ljudi i materijalnih dobara, evakuacija, zbrinjavanje ugroženih i stradalih, zamračivanje, zaštita i spašavanje od radioloških, hemijskih i bioloških sredstava, zaštita i spašavanje od rušenja, zaštita i spašavanje na vodi i pod vodom, zaštita i spašavanje od požara, zaštita od neeksplozivnih ubojnih sredstava, prva medicinska pomoć, zaštita i spašavanje životinja i namirnica životinjskog porijekla, asanacija terena, zaštita okoliša i zaštita bilja i biljnih proizvoda,
- koordinira rad i pruža stručnu pomoć službama zaštite i spašavanja na području općine i drugim pravnim subjektima i MZ u skladu sa Zakonom,
- učestvuje u postupcima usklađivanja planskih dokumenata koja se odnose na Plan zaštite i spašavanja općine,
- pruža stručnu pomoć službama zaštite i spašavanja na sprovođenju njihovih zadataka koji se odnose na mjere zaštite i spašavanja,
- informiše o stanju i problemima u provođenju mjera zaštite i spašavanja u službama zaštite i spašavanja na području općine,
- učestvuje u izradi plana materijalno tehničke pomoći za službe zaštite i spašavanja koje se finansiraju iz namjenskih izvora i budžeta općine i o tome izvještava rukovodioca Službe i Štab Civilne zaštite i Općinsko vijeće,
- predlaže mjere na unapređenju mjera zaštite i spašavanja ljudi i materijalnih dobara na području općine,
- učestvuje, usmjerava i predlaže akcije zaštite i spašavanja, ovisno od stepena ugroženosti svih mjesta na području koja budu ugrožena od prirodnih i drugih nesreća na zaštitu ljudi i materijalnih dobara,
- ostvaruje saradnju i učestvuje u akcijama zaštite i spašavanja sa nevladinim organizacijama i predstavnicima međunarodne zajednice u pitanjima iz svoje nadležnosti,
- obezbjeđuje realizaciju programa rada,
- stara se o pravilnom korištenju sredstava za rad,
- vrši i druge poslove koje mu odredi neposredni rukovodilac.”

Član 6.

U članu 11. stav 11. „STRUČNI SAVJETNIK ZA SOCIJALNU ZAŠTITU”, alineje 6, 7, 9 i 11 brišu se.

Član 7.

Ovaj Pravilnik stupa na snagu danom dobijanja suglasnosti od strane Općinskog vijeća Doboj Jug i objavit će se u Službenom glasniku Općine Doboj Jug.

Na osnovu člana 2.stav 6. Odluke o visini naknade za rad članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“ broj:31/24) i 23. Statuta općine Doboj Jug („Službeni glasnik Općine Doboj Jug“, broj: 03/08, 01/12 i 02/13), Općinsko vijeće na svojoj trinaestoj redovnoj sjednici IX saziva, održanoj dana 10.03.2026.godine, donosi

O D L U K U
o visini naknade članova
Općinske izborne komisije Doboj Jug za 2026.godinu

Član 1.

Članovima Općinske izborne komisije općine Doboj Jug odobrava se mjesečna naknada za period od 01.01.2026.godine do 31.12.2026.godine u visini od:

- 30% isplaćenog paušala vjećnika Općinskog vijeća općine Doboj Jug za 2026.godinu za period od 01.01.2026.godine do 31.04.2026.godine,
- 100% isplaćenog paušala vjećnika Općinskog vijeća općine Doboj Jug za 2026.godinu za period od 01.05.2026.godine do 31.10.2026.godine,
- 30% isplaćenog paušala vjećnika Općinskog vijeća općine Doboj Jug za 2026.godinu za period od 01.11.2026.godine do 31.12.2026.godine.

Iznosi naknade iz stava 1.ovog člana su izraženi u netu i na iste će se uplatiti porez i doprinosi.

Član 2.

Sredstva iz člana 1.ove Odluke padaju na teret budžeta općine Doboj Jug ek.kod.614124 /pozicija: Transfer za izbore/.

Član 3.

Za realizaciju ove Odluke zadužuje se Općinski načelnik.

Član 4.

Ova Odluka stupa na snagu danom objavljivanja u Službenom glasniku Općine Doboj Jug a primjenivati će se od 01.01.2026.godine.

Broj: 01-02-252-15/26
Dana, 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 23. Statuta općine Doboj Jug („Službeni glasnik Općine Doboj Jug“, broj 03/08, 01/12 i 02/13), člana 79. Poslovnika Općinskog vijeća Doboj Jug („Službeni glasnik Općine Doboj Jug, broj; 04/08, 01/13, 02/20 i 03/21), a na Prijedlog Službe za civilnu zaštitu, opću upravu i zajedničke poslove, Općinsko vijeće Doboj Jug na svojoj trinaestoj redovnoj sjednici IX saziva održanoj dana 10.03.2026.godine, donosi

O D L U K U
o stipendiranju redovnih studenata i pomoći nadarenim učenicima srednjeg obrazovanja
općine Doboj Jug za studijsku/školsku 2025/2026. godinu

I – OPĆE ODREDBE

Član 1.

(Predmet Odluke)

Ovom Odlukom utvrđuje se visina sredstava za stipendiranje redovnih studenata i pomoći učenicima za studijsku/školsku 2025/2026.godinu, način i postupak ostvarivanja prava na dodjelu stipendije i pomoći za redovne studente i nadarene učenike srednjih škola sa područja općine Doboj Jug.

Član 2.

(Visina sredstava)

Za potrebe stipendiranja studenata i pomoći učenicima srednjih škola u školskoj 2024/2025. godini, planirana su sredstva u Budžetu općine u ukupnom iznosu od **38.800,00 KM** i to:

- Za potrebe stipendiranja studenata u školskoj 2025/2026.planirana su sredstva u Budžetu općine u ukupnom iznosu od **35.600,00 KM**;

- Za potrebe pomoći učenicima srednjih škola u školskoj 2025/2026. godini planirana su sredstva u Budžetu općine u ukupnom iznosu od **3.200,00 KM**.

Sredstva za stipendiranje studenata i pomoć učenicima utvrđena su u Budžetu općine Doboj Jug, na poziciji **614234/3, ISPLATA OPĆINSKIH STIPENDIJA**.

Član 3.

(Korisnici stipendija i pomoći)

Dodjela stipendija i pomoći nadarenim učenicima srednjeg obrazovanja vršiti će se na osnovu Kriterija za dodjelu stipendija redovnim studentima i pomoći nadarenim učenicima srednjeg obrazovanja općine Doboj Jug za studijsku/školsku 2025/26. godinu u skladu sa planiranim sredstvima iz člana 2. ove Odluke. Kriterije iz stava 1. ovog člana donijeti će Općinsko vijeće na prijedlog Službe za civilnu zaštitu, opću upravu i zajedničke poslove.

II - POSTUPAK DODJELE STIPENDIJE I POMOĆI

Član 4.

(Konkurs)

Stipendije i pomoći se dodjeljuju na osnovu konkursa.

Zahtjev sa potrebnom dokumentacijom kandidati će dostaviti Službi za civilnu zaštitu, opću upravu i zajedničke poslove općine Doboj Jug.

Član 5.

(Komisija i konkursna procedura)

Odlukom Općinskog Vijeća općine Doboj Jug bit će formirana tročlana komisija (u daljnjem tekstu: Komisija) koja će po raspisanom konkursu provesti postupak po prispjelim zahtjevima za dodjelu stipendija i pomoći /eliminacija zahtjeva podnosioca koji ne ispunjavaju opšte uslove konkursa/, izvršiti bodovanje na osnovu utvrđenih kriterija, sačiniti Preliminarnu rang listu koju je dužna istaći na Oglasnoj ploči općine, te po isteku roka za prigovor /rok 8 dana/ sačiniti Konačnu rang listu koja će nakon davanja saglasnosti Općinskog načelnika biti istaknuta na oglasnoj ploči općine Doboj Jug.

Na Konačnu rang listu može se uložiti prigovor Općinskom načelniku u roku od 8 dana od dana objavljivanja.

Član 6.

(Isplata stipendija i pomoći učenicima)

Isplata stipendija vršiti će se **8 (osam)** jednakih mjesečnih rata i to

- u iznosu od **125,00 KM** za studente prve godine,
- u iznosu od **175,00 KM** za studente druge i viših godina studija.

Isplata pomoći nadarenim učenicima srednjih škola vršiti će se **8 (osam)** jednakih mjesečnih rata u iznosu od **80,00 KM**.

Član 7.

(Ugovor i način isplate stipendije i pomoći)

O dodjeljenoj stipendiji i pomoći zaključuje se ugovor kojim se pobliže određuju prava i obaveze ugovornih strana. U ime Općine Doboj Jug ugovor zaključuje Općinski načelnik.

Isplata stipendija i pomoći na osnovu ugovora iz stava 1. ovog člana vršit će se putem tekućeg računa primaoca stipendije i tekućeg računa roditelja, usvojioca ili staratelja učenika, do kraja mjeseca za predhodni mjesec.

Član 8.

(Raskid ugovora)

Ugovori iz člana 7. ove Odluke raskinut će se u slučaju:

- prekida školovanja prije isteka školske godine,
- ako nakon završetka školske-akademske godine korisnik stipendije ili pomoći ne dostavi na uvid nadležnoj Službi dokumentaciju o uspješnom završetku školske/akademske godine,
- ako prilikom sklapanja ugovora ili u toku trajanja ugovora o stipendiranju/pomoći dostavi netačne podatke ili falsifikuje isprave,
- ako pravosnažnom sudskom presudom bude osuđen na kaznu zatvora zbog učinjenog krivičnog djela,
- ako korisnik stipendije bude korisnik drugog pravnog lica.

Član 9.

Za realizaciju ove Odluke zadužuju se Načelnik općine i nadležne Službe općine Doboj Jug

Član 10.**(Izmjene i dopune Odluke)**

Izmjene i dopune ove Odluke vrše se u postupku propisanom za njeno donošenje.

Član 11.**(Stupanje na snagu Odluke)**

Ova Odluka stupa na snagu danom donošenja i objavit će se u Službenom glasniku općine Doboj Jug.

Broj: 01-02-252-16/26
Dana: 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 23. Statuta općine Doboj Jug ("Službeni glasnik Općine Doboj Jug", broj: 03/08, 01/12 i 02/13), člana 79. Poslovnika Općinskog vijeća Doboj Jug („Službeni glasnik Općine Doboj Jug, broj: 04/08, 01/13, 02/20 i 03/21), Općinsko vijeće Doboj Jug na svojoj trinaestoj redovnoj sjednici IX saziva, održanoj dana 10.03.2026.godine, donijelo je:

O D L U K U
O IMENOVANJU KOMISIJE ZA DODJELU STIPENDIJA I POMOĆI ZA
STUDIJSKU/ŠKOLSKU 2025/2026.GODINU

I

Imenuje se Komisija za dodjelu stipendija redovnim studentima i pomoći učenicima srednjeg obrazovanja za studijsku/školsku 2025/2026.godinu u slijedećem sastavu:

1. Hrvić Edin ,predsjednik,
2. Tešnjak Sabina , član,
3. Vahida Kruško , član.

II

Komisija je dužna da po raspisanom konkursu provede postupak po prispjelim zahtjevima za dodjelu stipendija i pomoći /eliminacija zahtjeva podnosioca koji ne ispunjavaju opšte uslove konkursa/, izvrši bodovanje preostalih kandidata koji ispunjavaju uslove konkursa po kriterijima, sačini Preliminarnu rang listu koju je dužna istaći na Oglasnoj ploči općine, te po isteku roka za prigovor /rok 8 dana/ sačini Konačnu rang listu koja će nakon davanja saglasnosti Općinskog načelnika biti istaknuta na oglasnoj ploči općine Doboj Jug.

III

Članovi komisije će poslove iz tačke II. ove Odluke obavljati u okviru svojih redovnih poslova.

IV

Odluka stupa na snagu danom donošenja i bit će objavljena u Službenom glasniku Općine Doboj Jug.

Broj: 01-02-252-18/26
Dana: 10.03.2026. godine

Predsjedavajući Općinskog vijeća
prof.dr.sc. Hasan Škiljo

Na osnovu člana 23. Statuta Općine Doboj Jug ("Službeni glasnik općine Doboj Jug", broj: 03/08, 01/12 i 02/13), člana 79. Poslovnika Općinskog vijeća Doboj Jug („Službeni glasnik općine Doboj Jug“, broj: 04/08, 01/13, 02/20 i 03/21), a na Prijedlog Službe za civilnu zaštitu, opću upravu i zajedničke poslove, Općinsko vijeće Doboj Jug na svojoj trinaestoj redovnoj sjednici IX saziva održanoj dana 10.03.2026.godine donosi

O D L U K U

O POMOĆI UČENICIMA SLABIJEG IMOVINSKOG STANJA SREDNJEG OBRAZOVANJA OPĆINE DOBOJ JUG ZA ŠKOLSKU 2025/2026.GODINU

I – OPĆE ODREDBE

Član 1.

(Predmet Odluke)

Ovom Odlukom utvrđuje se visina sredstava za pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026.godinu, kao i način i postupak ostvarivanja prava na dodjelu pomoći.

Član 2.

(Visina sredstava)

Za potrebe pomoći učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026.godinu, obezbjeđena su sredstva u Budžetu općine u ukupnom iznosu od **3.200,00 KM** pozicija **614234/3, ISPLATA OPĆINSKIH STIPENDIJA**.

Član 3.

(Korisnici pomoći)

Pravo na pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026.godinu imaju učenici pod uslovom da:

- ne primaju pomoć ili stipendiju po drugom osnovu ili od drugog davaoca,
- da učenik i jedan od roditelja, usvojioa ili staraoca ima prijavljeno prebivalište na području općine Doboj Jug.

Jedan učenik iz jednog porodičnog domaćinstva može biti korisnik pomoći učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026.godinu.

II- KRITERIJI ZA DODJELU POMOĆI

Član 4.

(Posebni kriteriji za dodjelu pomoći)

Pored općih uvjeta za ostvarivanje prava na pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026.godinu navedenih u članu 3. ove Odluke, utvrđuju se i posebni kriteriji za izbor korisnika pomoći, i to:

- nezaposlenost članova porodičnog domaćinstva, primanja po osnovu radnog odnosa i druga primanja (PIO/MIO, privredna i poljoprivredna djelatnost, prava iz oblasti boračko-invalidske i socijalne zaštite),
- broj članova domaćinstva,
- zdravstveno stanje učenika i članova porodičnog domaćinstva
- stepen invaliditeta učenika i članova porodičnog domaćinstva koji ne ostvaruju naknadu po osnovu istog.

Učenik koji ima utvrđen procenat invalidnosti od najmanje 60% tjelesnog oštećenja a koji ne ostvaruje naknadu po osnovu istog, pripada pravo po ovoj Odluci bez obzira na primanja članova porodičnog domaćinstva.

Član 5.

(Deficitarna zanimanja)

Prednost kod izbora učenika slabog imovinskog stanja, koji ispunjavaju uvjete iz člana 4. imaju učenici koji pohađaju škole za deficitarna zanimanja vodoinstalater, vozač motornih vozila, električar, CNC operater i građevinski tehničar.

III - POSTUPAK DODJELE POMOĆI

Član 6. (Javni oglas)

Pomoć učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026. godinu dodjeljuju na osnovu Javnog oglasa.

Zahtjev sa potrebnom dokumentacijom kandidati će dostaviti Službi za civilnu zaštitu, opću upravu i zajedničke poslove općine Doboj Jug.

Član 7. (Komisija i konkursna procedura)

Odlukom Općinskog Vijeća općine Doboj Jug biti će formirana tročlana komisija /u daljnjem tekstu: Komisija/ za dodjelu stipendija redovnim studentima i pomoći nadarenim učenicima srednjeg obrazovanja općine Doboj Jug za studijsku/školsku 2025/2026. godinu koja će provesti i postupak Javnog oglasa za dodjelu pomoći učenicima slabijeg imovinskog stanja srednjeg obrazovanja sa područja općine Doboj Jug za školsku 2025/2026. godinu.

U skladu sa raspisanim Javnim oglasom i odredbama ove Odluke gore navedena Komisija izvršiti će uvid u podnesene zahtjeve, te na osnovu općih i posebnih kriterija, a u cilju ustanovljavanja socio-ekonomske situacije porodice učenika, odabrati 5 učenika srednjih škola slabijeg imovinskog stanja koristeći diskreciono pravo odlučivanja kroz pribavljanje druge potrebne dokumentacije po službenoj dužnosti od strane organa uprave općine Doboj Jug.

Na osnovu utvrđenog činjeničnog stanja po dostavljenoj dokumentaciji od strane podnosioca zahtjeva i po službenoj dužnosti komisija će sačiniti Preliminarnu rang listu koju je dužna istaći na Oglasnoj ploči općine, te po isteku roka za prigovor /rok 8 dana/ sačiniti Konačnu rang listu koja će nakon davanja saglasnosti Općinskog načelnika biti istaknuta na oglasnoj ploči općine Doboj Jug.

Na Konačnu rang listu može se uložiti prigovor Općinskom načelniku u roku od 8 dana od dana objavljivanja.

Član 8. (Isplata pomoći učenicima)

Isplata pomoći vršiti će se u **8 (osam)** jednakih mjesečnih rata u iznosu od **80,00 KM** za **5 učenika** srednjih škola slabijeg imovinskog stanja.

Član 9. (Ugovor i način isplate pomoći)

O dodjeljenoj pomoći zaključuje se ugovor kojim se poblize određuju prava i obaveze ugovornih strana.

U ime Općine Doboj Jug ugovor zaključuje Općinski načelnik.

U ime korisnika ugovor zaključuje roditelj koji ima prijavljeno prebivalište na području Općine Doboj Jug.

Isplata pomoći na osnovu ugovora iz stava 1. ovog člana vršit će se putem tekućeg računa primaoca stipendije i tekućeg računa roditelja, usvojioca ili staratelja učenika, do kraja mjeseca za predhodni mjesec.

Član 10. (Raskid ugovora)

Ugovori iz člana 8. ove Odluke raskinut će se u slučaju:

- prekida školovanja prije isteka školske godine,
- ako nakon završetka školske godine korisnik pomoći ne dostavi na uvid nadležnoj Službi dokumentaciju o uspješnom završetku školske godine,
- ako prilikom sklapanja ugovora ili u toku trajanja ugovora o pomoći dostavi netačne podatke ili falsifikuje isprave,
- ako pravosnažnom sudskom presudom bude osuđen na kaznu zatvora zbog učinjenog krivičnog djela,
- ako korisnik pomoći bude korisnik pomoći ili stipendije drugog pravnog lica.

Član 11.

Za realizaciju ove Odluke zadužuju se Načelnik općine i nadležne Službe općine Doboj Jug.

Član 12.
(Izmjene i dopune Odluke)

Izmjene i dopune ove Odluke vrše se u postupku propisanom za njeno donošenje.

Član 13.
(Stupanje na snagu Odluke)

Ova Odluka stupa na snagu danom donošenja i objavit će se u Službenom glasniku općine Doboj Jug.

Broj: 01-02-252-19/26
Dana: 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 23. Statuta općine Doboj Jug ("Sl.glasnik općine Doboj Jug", broj 03/08, 01/12 i 02/13), Općinsko vijeće Doboj Jug na svojoj trinaestoj redovnoj sjednici IX saziva održanoj dana 10.03.2026.godine, donosi

O D L U K U
O DODJELI NOVČANE POMOĆI UČENICIMA SREDNJE ŠKOLE U SVRHU
SUFINANSIRANJA DIJELA TROŠKOVA PREVOZA ZA ŠKOLSKU 2025/2026.GODINU

I. OPĆE ODREDBE

Član 1.
(Predmet Odluke)

Ovom Odlukom utvrđuju se uvjeti, visina pomoći, način i postupak ostvarivanja prava na dodjelu novčane pomoći učenicima srednjih škola u svrhu sufinansiranja dijela troškova prevoza za školsku 2025./2026.godinu (u daljnjem tekstu: novčana pomoć).

Pod troškovima prevoza podrazumjevaju se troškovi autobuse:

- mjesečne karte radi odlaska učenika na redovno školovanje u jednu od srednjih škola na području Bosne i Hercegovine,
- sedmične povratne karte radi odlaska učenika na redovno školovanje u jednu od srednjih škola na području Bosne i Hercegovine a koji koriste internatski smještaj.

Član 2.
(Korisnici prava)

Pravo na dodjelu **novčane pomoći** može se ostvariti pod uvjetom:

- da učenik i jedan od roditelja, usvojioca ili staraoca ima prijavljeno prebivalište na području općine Doboj Jug,
- da učenik ne prima novčanu pomoć za troškove prevoza po drugom osnovu.

Član 3.
(Visina sredstava)

Sredstva za novčanu pomoć u svrhu sufinansiranja dijela troškova prevoza za školsku 2025./2026. godinu obezbjedit će se u Budžetu općine Doboj Jug za 2026.godinu, sa pozicije **614326/1, AUTOBUSKE KARTE UČENICI-SUBVENCIONIRANJE**.

Općina će sufinansirati dio troškova prevoza za školsku 2025./2026.godinu na osnovu podnesenih prijava po objavljenom Javnom oglasu putem sredstava javnog informisanja o mogućnosti podnošenja prijave za sufinansiranje troškova prevoza učenika srednjih škola za školsku 2025/26.godinu isplatom jednakih novčanih pojedinačnih iznosa koje ne prelaze iznos od 250,00 KM u toku školske godine.

Javni oglas iz stava 2.ovog člana pored načina i uvjeta za ostvarivanje prava na jednokratnu pomoć, sadržavati će rok za podnošenje zahtjeva kako bi se izvršila isplata predviđenih novčanih sredstava u Budžetu općine Doboj Jug za 2026.godinu.

II – POSTUPAK DODJELE POMOĆI

Član 4. (Podnošenje zahtjeva)

Novčana pomoć za sufinansiranje dijela troškova prevoza za školsku 2025./26.godinu dodjeljuje se na osnovu Javnog oglasa.

Prijava za dodjelu novčane pomoći sa potrebnom dokumentacijom iz člana 5.ove Odluke podnosi se Općinskom načelniku općine Doboj Jug.

Općinski načelnik u svrhu razmatranja podnesenih prijava formirati će tročlanu komisiju koja će izvršiti uvid u podnesene prijave i priloženu dokumentaciju te izvršiti odabir korisnika pomoći o čemu će zapisnički izvijestiti Općinskog načelnika.

Na osnovu prijedloga Komisije, koji je sastavni dio zapisnika iz stava 2.ovog člana, Općinski načelnik donosi rješenje o odobravanju ili odbijanju prava na novčanu pomoć.

O žalbi na rješenje Općinskog načelnika rješava Drugostepena komisija za rješavanje po žalbama i prigovorima općine Doboj Jug.

Član 5. (Potrebna dokumentacija)

Zainteresovani kandidat uz prijavu prilaže slijedeće dokaze:

- uvjerenje o prebivalištu za učenika i roditelja, usvojioca ili staraoca (PBA3 obrazac);
- ovjerena izjava o zajedničkom domaćinstvu;
- potvrda o upisu razreda škole;
- fotokopija mjesečne karte za mjesec u kojem je podnesena prijava za sufinansiranje dijela troškova prevoza;
- fotokopija povratne karte za mjesec u kojem je podnesena prijava za sufinansiranje dijela troškova prevoza za učenika koji koriste internatski smještaj na području BiH;
- uvjerenje od nadležne ustanove da je učenik korisnik internatskog smještaja u tekućoj školskoj godini;
- ovjerena izjava da ne prima novčanu pomoć za troškove prevoza po drugom osnovu.

Član 6. (Izmjene i dopune Odluke)

Izmjene i dopune ove Odluke vrše se u postupku propisanom za njeno donošenje

Član 7. (Stupanje na snagu Odluke)

Ova Odluka stupa na snagu danom donošenja, a objaviti će se u Službenom glasniku Općine Doboj Jug.

Broj:01-02-252-20/26
Dana, 10.03.2026.godine

Predsjedavajući Općinskog vijeća
prof.dr.sc. Hasan Škiljo

Na osnovu člana 12. Zakona o ministarskim, vladinim i drugim imenovanjima FBiH („Službene novine FBiH“, broj: 12/03, 34/03 i 65/13), člana 37. Statuta Općine Doboj Jug („Službeni glasnik Općine Doboj Jug“, broj: 03/08, 01/12 i 02/13), Općinsko Vijeće Doboj Jug na svojoj trinaestoj redovnoj sjednici IX saziva održanoj dana 10.03.2026.godine, donosi

O D L U K U o imenovanju predsjednika i članova Nadzornog odbora JKP „VIS“ d.o.o. Doboj Jug

Član 1.

Za predsjednika i članove Nadzornog odbora JKP „VIS“ d.o.o. Doboj Jug imenuju se:

1. KERIM HODŽIĆ, predsjednik,
2. SELMA KURBAŠIĆ, član, i
3. ESMIR AHMETOVIĆ, član.

Član 2.

Imenovanje se vrši na mandatni period od 4 (četiri) godine.

Član 3.

Obaveze Nadzornog odbora iz člana 1. ove Odluke propisane su Stautom JKP „VIS“ d.o.o. Doboj Jug.

Član 4.

Ova Odluka stupa na snagu danom donošenja i ista će se objaviti u Službenom glasniku Općine Doboj Jug.

Broj: 01-02-252-22/26

Dana: 10.03.2026.god.

Predsjedavajući Općinskog vijeća
prof.dr.sc. Hasan Škiljo

Na osnovu člana 37. Statuta općine Doboj Jug ("Sl.glasnik općine Doboj Jug", broj: 03/08, 01/12 i 02/13), Općinski načelnik općine Doboj Jug donosi

O D L U K U

o stavljanju van snage Pravilnika o kriterijima i postupku za isplatu novčane nagrade-stimulacije zaposlenim u Jedinstvenom organu uprave Općine Doboj Jug

Član 1.

Ovom Odlukom stavlja se van snage Pravilnik o kriterijima i postupku za isplatu novčane nagrade-stimulacije zaposlenim u Jedinstvenom organu uprave Općine Doboj Jug broj:02-02-1-526/18 od 30.04.2018.godine.

Član 2.

Ova Odluka stupa na snagu danom donošenja i objavit će se u Službenom glasniku Općine Doboj Jug.

Broj: 02-02-130-1/26

Datum: 27.01.2026. godine

OPĆINSKI NAČELNIK
Mirnes Tukić, dipl.ecc.

S A D R Ź A J

Odluka o pristupanju izradi izmjene dijela Regulacionog plana „Poslovne zone Karuše“ po zahtjevu JKP „VIS“ d.o.o. Doboj Jug	1
Odluka o načinu i uslovima prodaje putem neposredne pogodbe zemljišta, koje se prema Prostornom planu općine Doboj Jug za period 2005.do 2030.godine nalazi većim dijelom u okviru Zone zaštitnog pojasa Autoceste	2
Rješenje o imenovanju Komisije za raspolaganje i sticanje nekretnina	3
Zaključak o davanju saglasnosti na Pravilnik o izmjenama i dopunama Pravilnika o unutrašnjoj organizaciji općinskog organa uprave Općine Doboj Jug broj:02-30-1375-5/25 od 16.01.2026.godine	4
Pravilnik o izmjenama i dopunama Pravilnika o unutrašnjoj organizaciji općinskog organa uprave Općine Doboj Jug broj:02-30-1375-5/25 od 16.01.2026.godine	4
Odluka o visini naknade članovima Općinske izborne komisije Doboj Jug za 2026.godinu	7
Odluka o stipendiranju redovnih studenata i pomoći nadarenim učenicima srednjeg obrazovanja općine Doboj Jug za studijsku/školsku 2025/26. godinu	7
Odluka o imenovanju komisije za dodjelu stipendija i pomoći za studijsku/školsku 2025/2026.godinu	9
Odluka o pomoći učenicima slabijeg imovinskog stanja srednjeg obrazovanja općine Doboj Jug za školsku/studijsku 2025/2026.godinu	10
Odluka o dodjeli novčane pomoći učenicima srednje škole u svrhu sufinansiranja dijela troškova prevoza za školsku 2025/2026.godinu	12
Odluka o imenovanju predsjednika i članova Nadzornog odbora JKP „VIS“ d.o.o. Doboj Jug	13
Odluka o stavljanju van snage Pravilnika o kriterijima i postupku za isplatu novčane nagrade-stimulacije zaposlenim u Jedinstvenom organu uprave Općine Doboj Jug	14